

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Commentationem historico-literariam de Luthero omnia
in omnibus post haec edendam indicat et de scriptoribus
Lutheri vitam illustrantibus fusius in Limine tractat
propensum lectoris animum sibi ...**

Wimmer, Johann Abraham

Vitembergae, 1723

Character Lutheri

[urn:nbn:de:bsz:31-67567](https://nbn-resolving.org/urn:nbn:de:bsz:31-67567)

CHARACTER LVTHERI

a supra laudato *SELNECCERO* concinnatus, et *Viro Summe Venerabili, Dn. D. Mart. CHLADENIO*,
in pereleganti de *Doctoratu LVTHERI*
Commentatione probatus:

Lutherus a Deo honorem, ἀξίωμα, et auctoritatem habebat, quam minime efferebatur, et quam non ambiebat, et osor ac hostis erat omnium superbiorum et ambitiosorum. Fuit enim uehemens et acer, cum uebementia opus esset: fuit humanissimus erga omnes: liberalis, praesenti animo atque laeto, affabilis, placidus, cuius os et suauitatem et grauitatem prae se tulit, oculi leonini acumen ingenii excellentissimi et animum intrepidum ostenderunt, in consolandis aegrotis, afflictis, tentatis, totus uixit, ad prosternendum et ad erigendum, ut necessitas et circumstantia postulauit, paratus et felix, nemo tam potens, nemo tam doctus, nemo tam uersutus, qui spiritum eius potuisset superare, seducere, circumuenire, cessit omnibus et cessit nulli: omnibus, quo ad officia illis exhibenda: nulli, quo ad Verbum Dei asserendum: ex uerbis animum habuit statim sibi perspectum: superbos, quancumque essent, ut glumam et stercus fecit, incertos de fide sua, si dociles essent, ceu pueros, fideliter docuit, si prae fracti et pertinaces in opinionibus defendendis Verbo Dei repugnantibus et absurdis, iudicio Dei reliquit et Vates uerissimus interitum ipsis praedixit. Certum etiam hoc est, Deum uoluisse per Lutherum, tanquam per singulare organum ea inchoare, et perficere, eaque perficere noluit, atque unum Lutherum res diuinas eo animo, spiritu et successu tractasse, explicasse, fundasse et propagasse, quo alii, quantumuis clari et eruditionis nomine insignes, uix exordium aliquod facere potuissent, aut si quod fecissent, in medio illud reliquissent imperfectum, ἀστέρων in hac uita. *Seln.* fol. 55. b.

F I N I S